



MENGHUBUNGKAN WARGA EMAS MELALUI WHATSAPP



Pesan teks (SMS) merupakan salah satu cara berkomunikasi yang paling lazim digunakan pada masa kini, namun kebanyakan syarikat telekomunikasi mengenakan had pada jumlah SMS.

Aplikasi WhatsApp merupakan alternatif kepada SMS. Ia membolehkan anda berkomunikasi melalui data mudah alih dan Wi-Fi.


WhatsApp juga bukan sekadar sebuah aplikasi pesanan teks. Ia merupakan alat komunikasi serba lengkap dengan perkongsian foto dan video, panggilan telefon dan video, perkongsian lokasi dan banyak lagi!

MENUBUHKAN KUMPULAN SEMBANG



Buka WhatsApp dan tekan ikon gelembung perbualan berwarna hijau di bahagian kanan bawah skrin. Kemudian, pilih 'Kumpulan Baru' dan pilih kenalan yang ingin anda masukkan ke dalam kumpulan sembang. Tekan ikon anak panah hijau untuk teruskan.


Masukkan nama kumpulan anda dan tambahkan foto untuk kumpulan sembang tersebut, kemudian tekan ikon tanda hijau untuk melengkapkan prosesnya. Anda kini dapat menghantar mesej kepada kumpulan rakan anda dalam sembang yang sama!



MENGHANTAR PESANAN SUARA


Ingin menyanyikan ucapan hari jadi kepada orang yang anda sayangi?

WhatsApp juga membolehkan anda meninggalkan pesanan suara untuk memperkayakan pengalaman sembang anda. Pilih sembang dengan seseorang kenalan, kemudian cari ikon mikrofon di sebelah ruang yang biasanya anda masukkan teks anda.



MEMBUAT PANGGILAN TELEFON ATAU VIDEO

WhatsApp membantu merapatkan jarak antara orang yang anda sayangi, terutamanya jika mereka berada di negara lain. Buka sembang dan pilih ikon kamera atau telefon di sebelah kanan atas skrin anda untuk membuat panggilan video atau telefon secara percuma. Bayaran data mungkin dikenakan.



Aplikasi ini juga membolehkan anda berkongsi mana-mana lokasi, termasuk lokasi anda sendiri, dengan orang lain.

Tekan ikon klip kertas di kotak pesanan dan pilih 'Lokasi'.


Kemudian, anda boleh memilih untuk mengirim lokasi anda sendiri, atau mencari lokasi dengan menggunakan ikon kanta pembesar di sebelah kanan atas.

Ini boleh menjadi fungsi yang sangat berguna untuk warga emas yang tidak biasa dengan tempat di mana mereka berada dan perlu menyampaikan maklumat ini kepada kenalan mereka ketika menetapkan tempat pertemuan, atau menghantar lokasi anda kepada seseorang untuk menunjukkan kepada mereka di mana anda berada.

MENGHANTAR GAMBAR ATAU VIDEO



WhatsApp membantu anda berkongsi kenangan anda dengan rakan-rakan melalui foto atau video. Tekan ikon klip kertas sekali lagi dan pilih 'Galeri' untuk memilih dari perpustakaan telefon anda atau 'Kamera' untuk memotik gambar baru.



INFOCOMM MEDIA DEVELOPMENT AUTHORITY

SG:D | GET READY!

SILVER INFOCOMM